



Broj:T18 0 KT 0015280 21
Brčko, 10.11.2021. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

K.C. ...

Što je:

Dana 09.09.2020. godine u 11,54 časova u ulici Bijeljinska bb, u Brčkom, s ciljem pribavljanja protivpravne imovinske koristi male vrijednosti, došao do poljoprivredne apoteke „Efekt-komerc“, vlasništvo Ž.J., te ušao u prodajni prostor apoteke, prošetao gledajući artikle, te sa police u unutrašnjosti objekta koja se nalazi sa lijeve strane kase gledano sa ulaznih vrata objekta pronašao i oduzeo jednu bušilicu marke „Bosh“, oznake PS plave boje, vrijednosti od 180,00 KM, ubacio je u pantalone ispod košulje, nakon čega je izašao iz objekta i udaljio se, čime je za sebe pribavio protivpravnu imovinsku korist u navedenom novčanom iznosu, za koji iznos je oštetio vlasnika,

dakle, oduzeo tuđu pokretninu male vrijednosti s ciljem da njenim prisvajanjem pribavi sebi protivpravnu imovinsku korist, a postupao je s ciljem pribavljanja imovinske koristi takve vrijednosti,

čime je, počinio krivično djelo – Krađa - iz člana 280. stav 2. u vezi sa stavom 1. istog člana Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
